

史記

〔漢〕司馬遷著



綫裝書局



ISBN 7-80106-647-2



9 787801 066473 >

ISBN 7-80106-647-2

定价：86.00元

图书在版编目(CIP)数据

史记/(汉)司马迁著;易行,孙嘉镇校订. —北京:
线装书局, 2006.11

ISBN 7-80106-647-2

I. 史… II. ①司… ②易… ③孙… III. 中国—
古代史—纪传体 IV. K204.2

中国版本图书馆 CIP 数据核字(2006)第 130529 号

史 记

作 者:〔汉〕司马迁

校 订:易 行 孙嘉镇

责任编辑:韩慧强

排版设计:秋 水

监 印:初 仁

出版发行:线装书局

地址:北京市鼓楼西大街 41 号(100009)

电话:010-64045283

网址:www.xzhbc.com

经 销:新华书店

印 刷:北京柯蓝博泰印务有限公司

开 本:787×1092 1/16

印 张:35.75

字 数:1000 千字

版 次:2006 年 12 月第 1 版

2006 年 12 月第 1 次印刷

书 号:ISBN 7-80106-647-2

定 价:86.00 元

版权所有 侵权必究

前言

鲁迅先生在《汉文学史纲要》一书中称赞《史记》是“史家之绝唱，无韵之离骚”。

汉代伟大的史学家、文学家司马迁的不朽著作《史记》，以其历久弥盛的魅力独放异彩。全书“凡百三十篇，亦欲以究天人之际，通古今之变，成一家之言”（司马迁《报任安书》），详近略远，求真考信，记述了汉武帝元狩元年（前 122 年）以前三千多年的历史变迁。借助本纪、世家、列传、书、表等独创体例，以如椽之笔述三千年华夏风雨，绘百十位传奇人物，黄帝、炎帝、夏禹、姜尚、老子、孔子、屈原、孙子、嬴政、项羽、刘邦、张良、韩信、扁鹊……王侯将相悉数登场，在纷繁驳杂的众生世相下，演绎一幕幕人生智慧与生存谋略的大戏，鉴之以修身、齐家、为官、治国，昭示以宏阔气魄下的人生体验。哲学、美学、文学、天文、地理、人才、伦理、医学无所不容，几乎囊括了当时人类社会政治、经济、军事、文化思想活动的全部内容，并附以人情理趣、世态百相的如诗描述，提供给后世一座取之不尽、用之不竭的精神宝藏。

《史记》这样一部记载中华民族上古时代兴衰更替的史书，改变了以往列国割据的历史概念，建立起中国历史的“大一统”观和“正统”观。它的十二“本纪”，上起五帝，经历三代，一脉相传。这种历史体系暗示着国家的统一和谐，是秦汉大一统的封建帝国思想在史学领域里的反映，对于以后两千年间中国历史的发展产生了极大的影响。

司马迁作《史记》，以“本纪”叙帝王，以“世家”载诸侯，以“列传”记将相豪杰，以“书”述典章制度，以“表”排列大事，打破了以年月为起迄如《春秋》的编年史、以地域划分如《国语》的国别史的局限，开创了纪传体例之先河，成为后世修史之典范，一直被后代史学家奉为圭臬。

《史记》精辟地阐述了以古为鉴的准则：“居今之世，志古之道，所以镜也，未必尽同。帝王者各殊礼而异务，要以成功为统纪，岂可绳乎？”（《史记·高祖功臣侯者年表第六》）指出历史是现实的一面镜子。

《本纪》十二篇，含五帝、夏、殷、周、秦、始皇、项羽、高祖、吕后、文、景和今上，是全书表述历史进程和重大事件、重要人物的总纲，其意在“原始察终，见盛观衰”，阐述兴亡盛衰大势。

《表》十篇（本书表格部分从略），有世表、年表、月表，自三代迄于汉武帝太初年间，列记事件，使之纲举而目张，以简御繁，一目了然，便于观览、检索。

《书》八篇，有礼、乐、律、历、天官、河渠、封禅、平准，涉及礼乐制度、天文、历法、祭祀、地理环境、经济政策等自然与社会的内容，意在明其“损益”、“改易”之道，“承敝通变”之迹。班固《汉书》改称“志”，成为历代修史的通例。

《世家》三十篇，记诸侯、封国的历史及其与王朝或皇朝的关系，因诸侯开国承家，子孙世袭，所以他们的传记叫做世家。司马迁把孔子和陈涉列入“世家”，属例外。

《列传》七十篇，为古往今来能够“扶义俶傥，不令己失时，立功名于天下”的各阶层人物立传。

七十篇列传的最后一篇，是《太史公自序》，把自序摆在全书的最后，这是古代学者著书的惯例。

本书为简体字横排本。根据国家现行语言文字规范，改异体字为正体字，但个别专名则酌情留用。

本书也对一些古今地名作了统一。如“琅邪”有写作“琅琊”的，“敦煌”有写作“燉煌”的，“茌阳”有写作“茌阳”的，“巨鹿”有写作“钜鹿”的，“巨野”有写作“钜野”的，“崤函”有写作“殽函”或“淆函”的，本书均依《辞海》统一。

囿于校订者的水平，舛误疏漏之处在所难免，敬祈读者不吝斧正。

目次

本 纪

卷 一	五帝本纪第一.....	(001)
卷 二	夏本纪第二.....	(005)
卷 三	殷本纪第三.....	(009)
卷 四	周本纪第四.....	(012)
卷 五	秦本纪第五.....	(021)
卷 六	秦始皇本纪第六.....	(029)
卷 七	项羽本纪第七.....	(042)
卷 八	高祖本纪第八.....	(050)
卷 九	吕太后本纪第九.....	(059)
卷 十	孝文本纪第十.....	(064)
卷十一	孝景本纪第十一.....	(069)
卷十二	孝武本纪第十二.....	(071)

年 表

卷十三	三代世表第一.....	(077)
卷十四	十二诸侯年表第二.....	(079)
卷十五	六国年表第三.....	(080)
卷十六	秦楚之际月表第四.....	(081)
卷十七	汉兴以来诸侯王年表第五.....	(082)
卷十八	高祖功臣侯者年表第六.....	(083)
卷十九	惠景间侯者年表第七.....	(084)
卷二十	建元以来侯者年表第八.....	(085)
卷二十一	建元已来王子侯者年表第九.....	(086)
卷二十二	汉兴以来将相名臣年表第十.....	(087)

书

卷二十三	礼书第一.....	(089)
------	-----------	-------

卷二十四	乐书第二.....	(092)
卷二十五	律书第三.....	(099)
卷二十六	历书第四.....	(102)
卷二十七	天官书第五.....	(112)
卷二十八	封禅书第六.....	(121)
卷二十九	河渠书第七.....	(132)
卷三十	平准书第八.....	(134)
世 家		
卷三十一	吴太伯世家第一.....	(139)
卷三十二	齐太公世家第二.....	(143)
卷三十三	鲁周公世家第三.....	(150)
卷三十四	燕召公世家第四.....	(156)
卷三十五	管蔡世家第五.....	(159)
卷三十六	陈杞世家第六.....	(162)
卷三十七	卫康叔世家第七.....	(165)
卷三十八	宋微子世家第八.....	(169)
卷三十九	晋世家第九.....	(174)
卷四十	楚世家第十.....	(186)
卷四十一	越王勾践世家第十一.....	(196)
卷四十二	郑世家第十二.....	(200)
卷四十三	赵世家第十三.....	(205)
卷四十四	魏世家第十四.....	(216)
卷四十五	韩世家第十五.....	(222)
卷四十六	田敬仲完世家第十六.....	(225)
卷四十七	孔子世家第十七.....	(231)
卷四十八	陈涉世家第十八.....	(239)
卷四十九	外戚世家第十九.....	(243)
卷五十	楚元王世家第二十.....	(248)
卷五十一	荆燕世家第二十一.....	(249)
卷五十二	齐悼惠王世家第二十二.....	(251)
卷五十三	萧相国世家第二十三.....	(255)
卷五十四	曹相国世家第二十四.....	(257)
卷五十五	留侯世家第二十五.....	(259)
卷五十六	陈丞相世家第二十六.....	(263)

卷五十七	绛侯周勃世家第二十七·····	(267)
卷五十八	梁孝王世家第二十八·····	(270)
卷五十九	五宗世家第二十九·····	(273)
卷六十	三王世家第三十·····	(276)
列 传		
卷六十一	伯夷列传第一·····	(281)
卷六十二	管晏列传第二·····	(282)
卷六十三	老子韩非列传第三·····	(284)
卷六十四	司马穰苴列传第四·····	(287)
卷六十五	孙子吴起列传第五·····	(288)
卷六十六	伍子胥列传第六·····	(291)
卷六十七	仲尼弟子列传第七·····	(294)
卷六十八	商君列传第八·····	(301)
卷六十九	苏秦列传第九·····	(304)
卷七十	张仪列传第十·····	(311)
卷七十一	樗里子甘茂列传第十一·····	(318)
卷七十二	穰侯列传第十二·····	(321)
卷七十三	白起王翦列传第十三·····	(323)
卷七十四	孟子荀卿列传第十四·····	(326)
卷七十五	孟尝君列传第十五·····	(328)
卷七十六	平原君虞卿列传第十六·····	(332)
卷七十七	魏公子列传第十七·····	(336)
卷七十八	春申君列传第十八·····	(339)
卷七十九	范雎蔡泽列传第十九·····	(342)
卷八十	乐毅列传第二十·····	(349)
卷八十一	廉颇蔺相如列传第二十一·····	(352)
卷八十二	田单列传第二十二·····	(356)
卷八十三	鲁仲连邹阳列传第二十三·····	(358)
卷八十四	屈原贾生列传第二十四·····	(362)
卷八十五	吕不韦列传第二十五·····	(366)
卷八十六	刺客列传第二十六·····	(368)
卷八十七	李斯列传第二十七·····	(374)
卷八十八	蒙恬列传第二十八·····	(381)
卷八十九	张耳陈馥列传第二十九·····	(383)

卷九 十	魏豹彭越列传第三十.....	(387)
卷九十一	黥布列传第三十一.....	(389)
卷九十二	淮阴侯列传第三十二.....	(392)
卷九十三	韩信卢绾列传第三十三.....	(398)
卷九十四	田儋列传第三十四.....	(401)
卷九十五	樊酈滕灌列传第三十五.....	(403)
卷九十六	张丞相列传第三十六.....	(408)
卷九十七	酈生陆贾列传第三十七.....	(412)
卷九十八	傅靳蒯成列传第三十八.....	(416)
卷九十九	刘敬叔孙通列传第三十九.....	(418)
卷一 百	季布栾布列传第四十.....	(421)
卷一百一	袁盎晁错列传第四十一.....	(423)
卷一百二	张释之冯唐列传第四十二.....	(426)
卷一百三	万石张叔列传第四十三.....	(428)
卷一百四	田叔列传第四十四.....	(431)
卷一百五	扁鹊仓公列传第四十五.....	(434)
卷一百六	吴王濞列传第四十六.....	(441)
卷一百七	魏其武安侯列传第四十七.....	(445)
卷一百八	韩长孺列传第四十八.....	(449)
卷一百九	李将军列传第四十九.....	(452)
卷一百十	匈奴列传第五十.....	(455)
卷一百一十一	卫将军骠骑列传第五十一.....	(463)
卷一百一十二	平津侯主父列传第五十二.....	(469)
卷一百一十三	南越列传第五十三.....	(474)
卷一百一十四	东越列传第五十四.....	(477)
卷一百一十五	朝鲜列传第五十五.....	(479)
卷一百一十六	西南夷列传第五十六.....	(481)
卷一百一十七	司马相如列传第五十七.....	(483)
卷一百一十八	淮南衡山列传第五十八.....	(492)
卷一百一十九	循吏列传第五十九.....	(498)
卷一百二十	汲郑列传第六十.....	(500)
卷一百二十一	儒林列传第六十一.....	(503)
卷一百二十二	酷吏列传第六十二.....	(507)
卷一百二十三	大宛列传第六十三.....	(513)

卷一百二十四	游侠列传第六十四.....	(518)
卷一百二十五	佞幸列传第六十五.....	(520)
卷一百二十六	滑稽列传第六十六.....	(522)
卷一百二十七	日者列传第六十七.....	(527)
卷一百二十八	龟策列传第六十八.....	(530)
卷一百二十九	货殖列传第六十九.....	(539)
卷一百三十	太史公自序列传第七十.....	(544)

卷 一

五帝本纪第一

黄帝者，少典之子，姓公孙，名曰轩辕。生而神灵，弱而能言，幼而徇齐，长而敦敏，成而聪明。

轩辕之时，神农氏世衰。诸侯相侵伐，暴虐百姓，而神农氏弗能征。于是轩辕乃习用干戈，以征不享，诸侯咸来宾从。而蚩尤最为暴，莫能伐。

炎帝欲侵陵诸侯，诸侯咸归轩辕。轩辕乃修德振兵，治五气，艺五种，抚万民，度四方，教熊、罴、貔、貅、貙、虎，以与炎帝战于阪泉之野，三战，然后得其志。

蚩尤作乱，不用帝命。于是黄帝乃征师诸侯，与蚩尤战于涿鹿之野，遂禽杀蚩尤。而诸侯咸尊轩辕为天子，代神农氏，是为黄帝。天下有不顺者，黄帝从而征之，平者去之，披山通道，未尝宁居。

东至于海，登丸山，及岱宗。西至于空桐，登鸡头。南至于江，登熊、湘。北逐荤粥，合符釜山，而邑于涿鹿之阿。迁徙往来无常处，以师兵为营卫。官名皆以云命，为云师。置左右大监，监于万国。万国和，而鬼神山川封禅与为多焉。获宝鼎，迎日推策。举风后、力牧、常先、大鸿以治民。顺天地之纪，幽明之占，死生之说，存亡之难。时播百谷草木，淳化鸟兽虫蛾，旁罗日月星辰水波土石金玉，劳勤心力耳目，节用水火材物。有土德之瑞，故号黄帝。

黄帝二十五子，其得姓者十四人。

黄帝居轩辕之丘，而娶于西陵之女，是为嫫祖。嫫祖为黄帝正妃，生二子，其后皆有天下：其一曰玄嚣，是为青阳，青阳降居江水；其二曰昌意，降居若水。昌意娶蜀山氏女，曰昌仆，生高阳，高阳有圣德焉。

黄帝崩，葬桥山。其孙昌意之子高阳立，是为帝颛顼也。

帝颛顼高阳者，黄帝之孙而昌意之子也。静渊以有谋，疏通而知事；养材以任地，载时以象天，依鬼神以制义，治气以教化，絜诚以祭祀。北至于幽陵，南至于交阯，西至于流沙，东至于蟠木。动静之物，大小之神，日月所照，莫不砥属。

帝颛顼生子曰穷蝉。

颛顼崩，而玄嚣之孙高辛立，是为帝喾。

帝喾高辛者，黄帝之曾孙也。高辛父曰蛭极，蛭极父曰玄嚣，玄嚣父曰黄帝。自玄嚣与蛭极皆不得在位，至高辛即帝位。高辛于颛顼为族子。高辛生而神灵，自言其名。普施利物，不于其身。聪以知远，明以察微。顺天之义，知民之急。仁而威，惠而信，修身而天下服。取地之财而节用之，抚教万民而利海之，历日月而迎送之，明鬼神而敬事之。其色郁郁，其德巍巍。其动也时，其服也土。帝喾溉执中而遍天下，日月所照，风雨所至，莫不从服。

帝喾娶陈锋氏女，生放勋。娶嫫祖氏女，生挚。帝喾崩，而挚代立。帝挚立，不善（崩），而弟放勋立，是为帝尧。

帝尧者，放勋。其仁如天，其知如神。就之如日，望之如云。富而不骄，贵而不舒。黄收纯

衣,彤车乘白马。能明驯德,以亲九族。九族既睦,便章百姓。百姓昭明,合和万国。

乃命羲、和,敬顺昊天,数法日月星辰,敬授民时。分命羲仲,居郁夷,曰暘谷。敬道日出,便程东作。日中,星鸟,以殷中春。其民析,鸟兽字微。申命羲叔,居南交。便程南为,敬致。日永,星火,以正中夏。其民因,鸟兽希革。申命和仲,居西土,曰昧谷。敬道日入,便程西成。夜中,星虚,以正中秋。其民夷易,鸟兽毛毳。申命和叔,居北方,曰幽都。便在伏物。日短,星昴,以正中冬。其民燠,鸟兽氄毛。岁三百六十六日,以闰月正四时。信饬百官,众功皆兴。

尧曰:“谁可顺此事?”放齐曰:“嗣子丹朱开明。”尧曰:“吁!顽凶,不用。”尧又曰:“谁可者?”谨兜曰:“共工旁聚布功,可用。”尧曰:“共工善言,其用僻,似恭漫天,不可。”尧又曰:“嗟,四岳,汤汤洪水滔天,浩浩怀山襄陵,下民其忧,有能使治者?”皆曰鲧可。尧曰:“鲧负命毁族,不可。”岳曰:“异哉,试不可用而已。”尧于是听岳用鲧。九岁,功用不成。

尧曰:“嗟!四岳,朕在位七十载,汝能庸命,践朕位?”岳应曰:“鄙德忝帝位。”尧曰:“悉举贵戚及疏远隐匿者。”众皆言于尧曰:“有矜在民间,曰虞舜。”尧曰:“然,朕闻之。其何如?”岳曰:“盲者子。父顽,母嚚,弟傲,能和以孝,蒸蒸治,不至奸。”尧曰:“吾其试哉。”于是尧妻之二女,观其德于二女。舜伤下二女于妫汭,如妇礼。尧善之,乃使舜慎和五典,五典能从。乃遍入百官,百官时序。宾于四门,四门穆穆,诸侯远方宾客皆敬。尧使舜入山林川泽,暴风雷雨,舜行不迷。尧以为圣,召舜曰:“女谋事至而言可绩,三年矣。女登帝位。”舜让于德不悻。正月上日,舜受终于文祖。文祖者,尧大祖也。

于是帝尧老,命舜摄行天子之政,以观天命。舜乃在璇玑玉衡,以齐七政。遂类于上帝,禋于六宗,望于山川,辩于群神。揖五瑞,择吉月日,见四岳诸牧,班瑞。岁二月,东巡狩,至于岱宗,柴,望秩于山川。遂见东方君长,合时月正日,同律度量衡,修五礼、五玉、三帛、二生、一死为挚,如五器,卒乃复。五月,南巡狩;八月,西巡狩;十一月,北巡狩;皆如初。归,至于祖祢庙,用特牛礼。五岁一巡狩,群后四朝。遍告以言,明试以功,车服以庸。肇十有二州,决川。象以典刑,流宥五刑,鞭作官刑,扑作教刑,金作赎刑。眚灾过,赦;怙终贼,刑。钦哉,钦哉,唯刑之静哉!

谨兜进言共工,尧曰不可而试之工师,共工果淫辟。四岳举鲧治鸿水,尧以为不可,岳强请试之,试之而无功,故百姓不便。三苗在江淮、荆州数为乱。于是舜归而言于帝,请流共工于幽陵,以变北狄;放驩兜于崇山,以变南蛮;迁三苗于三危,以变西戎;殛鲧于羽山,以变东夷;四罪而天下咸服。

尧立七十年得舜,二十年而老,令舜摄行天子之政,荐之于天。尧辟位凡二十八年而崩。百姓悲哀,如丧父母。三年,四方莫举乐,以思尧。尧知子丹朱之不肖,不足授天下,于是乃权授舜。授舜,则天下得其利而丹朱病;授丹朱,则天下病而丹朱得其利。尧曰“终不以天下之病而利一人”,而卒授舜以天下。尧崩,三年之丧毕,舜让辟丹朱于南河之南。诸侯朝觐者不之丹朱而之舜,狱讼者不之丹朱而之舜,讴歌者不讴歌丹朱而讴歌舜。舜曰“天也”,夫而后之中国践天子位焉,是为帝舜。

虞舜者,名曰重华。重华父曰瞽叟,瞽叟父曰桥牛,桥牛父曰句望,句望父曰敬康,敬康父曰穷蝉,穷蝉父曰帝颛顼,颛顼父曰昌意;以至舜七世矣。自从穷蝉以至帝舜,皆微为庶人。

舜父瞽叟盲,而舜母死,瞽叟更娶妻而生象,象傲。瞽叟爱后妻子,常欲杀舜,舜避逃;及

有小过,则受罪。顺事父及后母与弟,日以笃谨,匪有解。

舜,冀州之人也。舜耕历山,渔雷泽,陶河滨,作什器于寿丘,就时于负夏。舜父瞽叟顽,母嚚,弟象傲,皆欲杀舜。舜顺适不失子道,兄弟孝慈。欲杀,不可得;即求,尝在侧。

舜年二十以孝闻。三十而帝尧问可用者,四岳咸荐虞舜,曰可。于是尧乃以二女妻舜以观其内,使九男与处以观其外。舜居妫汭,内行弥谨。尧二女不敢以贵骄事舜亲戚,甚有妇道。尧九男皆益笃。舜耕历山,历山之人皆让畔;渔雷泽,雷泽上人皆让居;陶河滨,河滨器皆不苦窳。一年而所居成聚,二年成邑,三年成都。尧乃赐舜絺衣,与琴,为筑仓廩,予牛羊。瞽叟尚复欲杀之,使舜上涂廩,瞽叟从下纵火焚廩。舜乃以两笠自扞而下,去,得不死。后瞽叟又使舜穿井,舜穿井为匿空旁出。舜既入深,瞽叟与象共下土实井,舜从匿空出,去。瞽叟、象喜,以舜为已死。象曰:“本谋者象。”象与其父母分,于是曰:“舜妻尧二女,与琴,象取之。牛羊仓廩予父母。”象乃止舜官居,鼓其琴。舜往见之。象鄂不怪,曰:“我思舜正郁陶!”舜曰:“然,尔其庶矣!”舜复事瞽叟爱弟弥谨。于是尧乃试舜五典百官,皆治。

昔高阳氏有才子八人,世得其利,谓之“八恺”。高辛氏有才子八人,世谓之“八元”。此十六族者,世济其美,不陨其名。至于尧,尧未能举。舜举八恺,使主后土,以揆百事,莫不时序。举八元,使布五教于四方,父义,母慈,兄友,弟恭,子孝,内平外成。

昔帝鸿氏有不才子,掩义隐贼,好行凶慝,天下谓之浑沌。少皞氏有不才子,毁信恶忠,崇饰恶言,天下谓之穷奇。颛顼氏有不才子,不可教训,不知话言,天下谓之桀杌。此三族世忧之。至于尧,尧未能去。缙云氏有不才子,贪于饮食,冒于货贿,天下谓之饕餮。天下恶之,比之三凶。舜宾于四门,乃流四凶族,迁于四裔,以御魑魅,于是四门辟,言毋凶人也。

舜入于大麓,烈风雷雨不迷,尧乃知舜之足授天下。尧老,使舜摄行天子政,巡狩。舜得举用事二十年,而尧使摄政。摄政八年而尧崩。三年丧毕,让丹朱,天下归舜。而禹、皋陶、契、后稷、伯夷、夔、龙、倕、益、彭祖自尧时而皆举用,未有分职。于是舜乃至于文祖,谋于四岳,辟四门,明通四方耳目,命十二牧论帝德,行厚德,远佞人,则蛮夷率服。舜谓四岳曰:“有能奋庸美尧之事者,使居官相事?”皆曰:“伯禹为司空,可美帝功。”舜曰:“嗟,然!禹,汝平水土,维是勉哉。”禹拜稽首,让于稷、契与皋陶。舜曰:“然,往矣。”舜曰:“弃,黎民始饥,汝后稷播时百谷。”舜曰:“契,百姓不亲,五品不驯,汝为司徒,而敬敷五教,在宽。”舜曰:“皋陶,蛮夷猾夏,寇贼奸轨,汝作士,五刑有服,五服三就;五流有度,五度三居;维明能信。”舜曰:“谁能驯予工?”皆曰垂可。于是以垂为共工。舜曰:“谁能驯予上下草木鸟兽?”皆曰益可。于是以益为朕虞。益拜稽首,让于诸臣朱虎、熊羆。舜曰:“往矣,汝谐。”遂以朱虎、熊羆为佐。舜曰:“嗟!四岳,有能典朕三礼?”皆曰伯夷可。舜曰:“嗟!伯夷,以汝为秩宗,夙夜维敬,直哉维静絜。”伯夷让夔、龙。舜曰:“然。以夔为典乐,教稚子,直而温,宽而栗,刚而毋虐,简而毋傲;诗言意,歌长言,声依永,律和声,八音能谐,毋相夺伦,神人以和。”夔曰:“于!予击石拊石,百兽率舞。”舜曰:“龙,朕畏忌谗说殄伪,振惊朕众,命汝为纳言,夙夜出入朕命,唯信。”舜曰:“嗟!女二十有二人,敬哉,唯时相天事。”三岁一考功,三考绌陟,远近众功咸兴。分北三苗。

此二十二人咸成厥功:皋陶为大理,平,民各伏得其实;伯夷主礼,上下咸让;垂主工师,百工致功;益主虞,山泽辟;弃主稷,百谷时茂;契主司徒,百姓亲和;龙主宾客,远人至;十二牧行而九州莫敢辟违;唯禹之功为大,披九山,通九泽,决九河,定九州,各以其职来贡,不失

厥宜。方五千里，至于荒服。南抚交趾、北发，西戎、析枝、渠度、氏、羌，北山戎、发、息慎，东长、鸟夷，四海之内咸戴帝舜之功。于是禹乃兴《九招》之乐，致异物，凤皇来翔。天下明德皆自虞帝始。

舜年二十以孝闻，年三十尧举之，年五十摄行天子事，年五十八尧崩，年六十一代尧践帝位。践帝位三十九年，南巡狩，崩于苍梧之野。葬于江南九疑，是为零陵。舜之践帝位，载天子旗，往朝父瞽叟，夔夔唯谨，如子道。封弟象为诸侯。舜子商均亦不肖，舜乃豫荐禹于天。十七年而崩。三年丧毕，禹亦乃让舜子，如舜让尧子。诸侯归之，然后禹践天子位。尧子丹朱，舜子商均，皆有疆土，以奉先祀。服其服，礼乐如之。以客见天子，天子弗臣，示不敢专也。

自黄帝至舜、禹，皆同姓而异其国号，以章明德。故黄帝为有熊，帝颡顼为高阳，帝啇为高辛，帝尧为陶唐，帝舜为有虞。帝禹为夏后而别氏，姓姁氏。契为商，姓子氏。弃为周，姓姬氏。

太史公曰：学者多称五帝，尚矣。然《尚书》独载尧以来；而百家言黄帝，其文不雅驯，荐绅先生难言之。孔子所传宰予问《五帝德》及《帝系姓》，儒者或不传。余尝西至空桐，北过涿鹿，东渐于海，南浮江淮矣，至长老皆各往往称黄帝、尧、舜之处，风教固殊焉，总之不离古文者近是。予观《春秋》、《国语》，其发明《五帝德》、《帝系姓》章矣，顾弟弗深考，其所表见皆不虚。《书》缺有间矣，其轶乃时时见于他说。非好学深思，心知其意，固难为浅见寡闻道也。余并论次，择其言尤雅者，故著为本纪书首。

卷 二

夏本纪第二

夏禹，名曰文命。禹之父曰鲧，鲧之父曰帝颛顼，颛顼之父曰昌意，昌意之父曰黄帝。禹者，黄帝之玄孙而帝颛顼之孙也。禹之曾大父昌意及父鲧皆不得在帝位，为人臣。

当帝尧之时，鸿水滔天，浩浩怀山襄陵，下民其忧。尧求能治水者，群臣四岳皆曰鲧可。尧曰：“鲧为人负命毁族，不可。”四岳曰：“等之未有贤于鲧者，愿帝试之。”于是尧听四岳，用鲧治水。九年而水不息，功用不成。于是帝尧乃求人，更得舜。舜登用，摄行天子之政，巡狩。行视鲧之治水无状，乃殛鲧于羽山以死。天下皆以舜之诛为是。于是舜举鲧子禹，而使续鲧之业。

尧崩，帝舜问四岳曰：“有能成美尧之事者使居官？”皆曰：“伯禹为司空，可成美尧之功。”舜曰：“嗟，然！”命禹：“女平水土，维是勉之。”禹拜稽首，让于契、后稷、皋陶。舜曰：“女其往视尔事矣。”

禹为人敏给克勤；其德不违，其仁可亲，其言可信；声为律，身为度，称以出；亹亹穆穆，为纲为纪。

禹乃遂与益、后稷奉帝命，命诸侯百姓兴人徒以傅土，行山表木，定高山大川。禹伤先人父鲧功之不成受诛，乃劳身焦思，居外十三年，过家门不敢入。薄衣食，致孝于鬼神。卑宫室，致费于沟洫。陆行乘车，水行乘船，泥行乘橇，山行乘樺。左准绳，右规矩，载四时，以开九州，通九道，陂九泽，度九山。令益予众庶稻，可种卑湿。命后稷予众庶难得之食。食少，调有余相给，以均诸侯。禹乃行相地宜所有以贡，及山川之便利。

禹行自冀州始。冀州：既载壶口，治梁及岐。既修太原，至于岳阳。覃怀致功，至于衡漳。其土白壤。赋上上错，田中中。常、卫既从，大陆既为。鸟夷皮服。夹右碣石，入于海。

济、河维沅州：九河既道，雷夏既泽，雍、沮会同，桑土既蚕，于是民得下丘居土。其土黑坟，草繇（孔安国曰：繇，茂。）木条。田中下，赋贞，作十有三年乃同。其贡漆丝，其篚织文。浮于济、漯，通于河。

海岱维青州：碣夷既略，淮、淄其道。其土白坟，海滨广潟，厥田斥卤。田上下，赋中上。厥贡盐絺，海物维错，岱畎丝、枲、铅、松、怪石，莱夷为牧，其篚鬻丝。浮于汶，通于济。

海岱及淮维徐州：淮、沂其治，蒙、羽其艺。大野既都，东原底平。其土赤埴坟，草木渐包。其田上中，赋中中。贡维土五色，羽畎夏狄，峕阳孤桐，泗滨浮磬，淮夷珣珠暨鱼，其篚玄纁。浮于淮、泗，通于河。

淮海维扬州：彭蠡既都，阳鸟所居。三江既入，震泽致定。竹箭既布。其草唯夭，其木唯乔，其土涂泥。田下下，赋下上上杂。贡金三品，瑶、琨、竹箭，齿、革、羽、旄，岛夷卉服，其篚织贝，其包橘、柚锡贡。均江海，通淮、泗。

荆及衡阳维荆州：江、汉朝宗于海。九江甚中，沱、涔已道，云土、梦为治。其土涂泥。田下中，赋上下。贡羽、旄、齿、革，金三品，枲、榦、栝、柏，砺、砥、砮、丹，维箠簠、桔，三国致贡其名，包匭菁茅，其篚玄纁玼组，九江入赐大龟。浮于江、沱、涔、汉，逾于洛，至于南河。

荆河唯豫州：伊、洛、瀍、涧既入于河，荥播既都，道荷泽，被明都。其土壤，下土坟垆。田中上，赋杂上中。贡漆、丝、绮、纡，其筐纤絮，锡贡磬错。浮于洛，达于河。

华阳黑水唯梁州：汶、嶓既艺，沱、涔既道，蔡、蒙旅平，和夷底绩。其土青骊。田下上，赋下中三错。贡璆、铁、银、镂、柅、磬，熊、罴、狐、狸、织皮。西倾因桓是来，浮于潜，逾于沔，入于渭，乱于河。

黑水西河唯雍州：弱水既西，泾属渭汭。漆、沮既从，泂水所同。荆、岐已旅，终南、敦物至于鸟鼠。原隰底绩，至于都野。三危既度，三苗大序。其土黄壤。田上上，赋中下。贡璆、琳、琅玕。浮于积石，至于龙门西河，会于渭汭。织皮昆仑、析支、渠搜，西戎即序。

道九山：汧及岐至于荆山，逾于河。壶口、雷首至于太岳；砥柱、析城至于王屋；太行、常山至于碣石，入于海。西倾、朱圉、鸟鼠至于太华；熊耳、外方、桐柏至于负尾；道嶓冢，至于荆山；内方至于大别；汶山之阳至衡山，过九江，至于敷浅原。

道九川：弱水至于合黎，余波入于流沙。道黑水，至于三危，入于南海。道河积石，至于龙门，南至华阴，东至砥柱，又东至于盟津，东过洛汭，至于大邳，北过降水，至于大陆，北播为九河，同为逆河，入于海。嶓冢道漾，东流为汉，又东为苍浪之水，过三澨，入于大别，南入于江，东汇泽为彭蠡，东为北江，入于海。汶山道江，东别为沱，又东至于醴，过九江，至于东陵，东迤北会于汇，东为中江，入于海。道沔水，东为济，入于河，洙为荥，东出陶丘北，又东至于荷，又东北会于汶，又东北入于海。道淮自桐柏，东会于泗、沂，东入于海。道渭自鸟鼠同穴，东会于泂，又东北至于泾，东过漆、沮，入于河。道洛自熊耳，东北会于涧、瀍，又东会于伊，东北入于河。

于是九州攸同，四奥既居，九山刊旅，九川涤原，九泽既陂，四海会同。六府甚修，众土交正，致慎财赋，咸则三壤成赋。中国赐土姓：“祗台德先，不距朕行。”

令天子之国以外五百里甸服：百里赋纳总，二百里纳铨，三百里纳秸服，四百里粟，五百里米。甸服外五百里侯服：百里采，二百里任国，三百里诸侯。侯服外五百里绥服：三百里揆文教，二百里奋武卫。绥服外五百里要服：三百里夷，二百里蔡。要服外五百里荒服：三百里蛮，二百里流。

东渐于海，西被于流沙，朔、南暨：声教讫于四海。于是帝锡禹玄圭，以告成功于天下。天下于是太平治。

皋陶作士以理民。帝舜朝，禹、伯夷、皋陶相与语帝前。皋陶述其谋曰：“信其道德，谋明辅和。”禹曰：“然，如何？”皋陶曰：“于！慎其身修，思长，敦序九族，众明高翼，近可远在已。”禹拜美言，曰：“然。”皋陶曰：“于！在知人，在安民。”禹曰：“吁！皆若是，唯帝其难之。知人则智，能官人；能安民则惠，黎民怀之。能知能惠，何忧乎驩兜，何迁乎有苗，何畏乎巧言善色佞人？”皋陶曰：“然，于！亦行有九德，亦言其有德。”乃言曰：“始事事，宽而栗，柔而立，愿而共，治而敬，扰而毅，直而温，简而廉，刚而实，强而义，章其有常，吉哉。日宣三德，蚤夜翊明有家。日严振敬六德，亮采有国。翕受普施，九德咸事，俊乂在官，百吏肃谨，毋教邪淫奇谋。非其人居其官，是谓乱天事。天讨有罪，五刑五用哉。吾言底可行乎？”禹曰：“女言致可绩行。”皋陶曰：“余未有知，思赞道哉。”

帝舜谓禹曰：“女亦昌言。”禹拜曰：“于，予何言！予思日孳孳。”皋陶难禹曰：“何谓孳孳？”

禹曰：“鸿水滔天，浩浩怀山襄陵，下民皆服于水。予陆行乘车，水行乘舟，泥行乘橇，山行乘樰，行山刊木。与益予众庶稻鲜食。以决九川致四海，浚畎浍致之川。与稷予众庶难得之食。食少，调有余补不足，徙居。众民乃定，万国为治。”皋陶曰：“然，此而美也。”

禹曰：“於，帝！慎乃在位，安尔止。辅德，天下大应。清意以昭待上帝命，天其重命用休。”帝曰：“吁，臣哉，臣哉！臣作朕股肱耳目。予欲左右有民，女辅之。余欲观古人之象，日月星辰，作文绣服色，女明之。予欲闻六律五声八音，来始滑，以出入五言，女听。予即辟，女匡拂予。女无面谀，退而谤予。敬四辅臣。诸众谗嬖臣，君德诚施皆清矣。”禹曰：“然。帝即不时，布同善恶则毋功。”

帝曰：“毋若丹朱傲，维慢游是好，毋水行舟，朋淫于家，用绝其世。予不能顺是。”禹曰：“予娶涂山，辛任癸甲，生启予不子，以故能成水土功。辅成五服，至于五千里，州十二师，外薄四海，咸建五长，各道有功。苗顽不即功，帝其念哉。”帝曰：“道吾德，乃女功序之也。”

皋陶于是敬禹之德，令民皆则禹。不如言，刑从之。舜德大明。

于是夔行乐，祖考至，群后相让，鸟兽翔舞，《箫韶》九成，凤皇来仪，百兽率舞，百官信谐。帝用此作歌曰：“陟天之命，维时维几。”乃歌曰：“股肱喜哉，元首起哉，百工熙哉！”皋陶拜手稽首扬言曰：“念哉，率为兴事，慎乃宪，敬哉！”乃更为歌曰：“元首明哉，股肱良哉，庶事康哉！”又歌曰：“元首丛脞哉，股肱惰哉，万事堕哉！”帝拜曰：“然，往钦哉！”于是天下皆宗禹之明度数声乐，为山川神主。

帝舜荐禹于天，为嗣。十七年而帝舜崩。三年丧毕，禹辞辟舜之子商均于阳城。天下诸侯皆去商均而朝禹。禹于是遂即天子位，南面朝天下，国号曰夏后，姓姁氏。

帝禹立而举皋陶荐之，且授政焉，而皋陶卒。封皋陶之后于英、六，或在许。而后举益，任之政。

十年，帝禹东巡狩，至于会稽而崩。以天下授益。三年之丧毕，益让帝禹之子启，而辟居箕山之阳。禹子启贤，天下属意焉。及禹崩，虽授益，益之佐禹日浅，天下未洽。故诸侯皆去益而朝启，曰“吾君帝禹之子也”。于是启遂即天子之位，是为夏后帝启。

夏后帝启，禹之子，其母涂山氏之女也。

有扈氏不服，启伐之，大战于甘。将战，作《甘誓》，乃召六卿申之。启曰：“嗟！六事之人，予誓告女：有扈氏威侮五行，怠弃三正，天用剿绝其命。今予维共行天之罚。左不攻于左，右不攻于右，女不共命。御非其马之政，女不共命。用命，赏于祖；不用命，僇于社，予则帑僇女。”遂灭有扈氏。天下咸朝。

夏后帝启崩，子帝太康立。帝太康失国，昆弟五人，须于洛汭，作《五子之歌》。

太康崩，弟中康立，是为帝中康。帝中康时，羲、和湎淫，废时乱日。胤往征之，作《胤征》。

中康崩，子帝相立。帝相崩，子帝少康立。帝少康崩，子帝予立。帝予崩，子帝槐立。帝槐崩，子帝芒立。帝芒崩，子帝泄立。帝泄崩，子帝不降立。帝不降崩，弟帝廑立。帝廑崩，子帝廆立。帝廆崩，立帝不降之子孔甲，是为帝孔甲。帝孔甲立，好方鬼神，事淫乱。夏后氏德衰，诸侯畔之。天降龙二，有雌雄，孔甲不能食，未得豢龙氏。陶唐既衰，其后有刘累，学扰龙于豢龙氏，以事孔甲。孔甲赐之姓曰御龙氏，受豕韦之后。龙一雌死，以食夏后。夏后使求，惧而迁去。